

5

HRINGVEGUR (1):

Deiliskipulag efnistökusvæðis
vegna breyttrar legu Hringvegar í
Hornafirði

Náma 5 Hornafjarðarfljót

SKIPULAGSLÝSING

HRINGVEGUR (1)

Deiliskipulag efnistökusvæðis vegna breyttrar legu Hringvegar um Hornafjörð

Náma 5 Hornafjarðarfljót

Skipulagslýsing



Sveitarfélag: Hornafjörður

Verkkaupi og skipulagsráðgjafi: Vegagerðin

EFNISYFIRLIT

1. INNGANGUR.....	1
2. DEILISKIPULAG EFNISTÖKUSVÆÐIS.....	3
2.1. SKIPULAGSSVÆÐIÐ OG STAÐHÆTTIR.....	3
2.2. VIÐFANGSEFNI OG ÁHERSLUR.....	3
2.3. MARKMIÐ.....	3
2.4. FYRIRLIGGJANDI STEFNA OG AÐRAR ÁÆTLANIR.....	3
3. KYNNING OG SAMRÁÐ.....	4
4. HELSTU TÍMASETNINGAR.....	4

1. INNGANGUR


Ákveðið hefur verið að leggja nýjan Hringveg um Hornafjörð því núverandi Hringvegur (1) um Hornafjörð svarar ekki nútíma kröfum um umferðaröryggi. Fjölmargar tengingar liggja inn á veginn og ein lengsta einbreiða brú landsins liggur yfir Hornafjarðarfliót. Við framkvæmdina styttest Hringvegur og einbreiðum brúm fækkar um þrjár.

Framkvæmdin hefur verið tilkynnt til Skipulagsstofnunar í samræmi við 6. gr. laga um mat á umhverfisáhrifum nr. 106/2000 m.s.br. Unnið hefur verið umhverfismat fyrir framkvæmdina og finna má matsskýrsluna á heimasíðu Vegagerðarinnar


<http://www.vegagerdin.is/framkvaemdir/umhverfismat/matsskyrslur/>

Í aðalskipulagi Sveitarfélagsins Hornafjarðar er kveðið á um að deiliskipuleggja skuli námur sem eru stærri en 50.000 m² eða ráðgerð efnistaka meiri en 150.000 m³. Náma 5 Hornafjarðarfliót fellur innan þeirra marka. Samskipti við landeigendur varðandi efnistöku eru þegar hafin. Sveitarfélagið Hornafjarður ráðgerir í samráði við Vegagerðina að hefja vinnu við gerð deiliskipulags efnistökusvæðisins. Framkvæmdin er innan sveitarfélagsmarka Hornafjarðar. Um er að ræða deiliskipulag efnistökusvæðis sem skilgreint er á aðalskipulagi.

Tillagan er unnin á grundvelli gildandi Aðalskipulags Hornafjarðar 2014-2030 og umhverfismats framkvæmdarinnar frá árinu 2009.



Mynd 1. Úr Aðalskipulagi Hornafjarðar 2014-2030 (Gláma-Kím, VSÓ ráðgjöf, 2014).



Mynd 2. Efnistökusvæðið í Hornafjarðarfjóti



Mynd 3. Deiliskipulagssvæðið

Svæðið er skilgreint í aðalskipulagi sem efnistökusvæði 34 (E34) og nefnist Náma 5 Hornafjarðarfjót. Á vesturbakka fjótsins er landnotkun flokkuð sem opið svæði. Á austurbakka er landnotkun skilgreind sem skógræktar og landbúnaðarsvæði, rofsvæði.

Um námuna segir í aðalskipulagi: *E34 Hornafjarðarfjót – farvegur – mól/sandur – umfang efnistökusvæðis er um 6.800.000 m² – 680 ha.* Náman fellur í stærðarflokk 5 sem felur í sér að vinna þurfi deiliskipulag fyrir efnistökusvæðið.

2. DEILISKIPULAG (EFNISTÖKUSVÆÐIS)

Athugasemd [SÖS]: Hér eftir vísa ég í athugasemdir á skannaða skjalinu, eitthvað sem sveitarfélagið þarf að taka afstöðu til.

2.1. SKIPULAGSSVÆÐIÐ OG STAÐHÆTTIR

Náman er í farvegi Hornarfjarðarfljóta fyrir neðan brú. Þar er fljótið lygnt og breiðir það úr sér á milli Skógeyjar og Mýra. Varnargarðar ganga niður frá Hringveginum sem verja Skógey og Mýrar fyrir ágangi fljótsins. Í farveginum er mikið magn sands sem fljótið hefur borið fram. Varnargarðarnir voru að hluta byggðir upp úr sandinum en þeim var að hluta til ýtt upp úr farveginum. Það má því telja svæðið meðfram gördunum sem eldri efnistökustað en engin ummerki eru sjáanleg um þessa efnistöku. Væntanlegur efnistökustaður er undir vatni stóran hluta ársins.

Ráðgert er að nýta efni úr fljótunum til að byggja upp varnargarða fyrir nýja brú og í fyllingar fyrir veginn næst námunni. Við efnistöku verður tekið efni næst varnargörðunum og verður því annað hvort ýtt eða mokað upp í garðana. Það sama er að segja um efnið í fyllingar á veginum. Gert er ráð fyrir að efni verði tekið á 1-2 m dýpi. Líklegt er að lægðir myndist í farvegi fljótsins þar sem mest verður tekið af efni. Svæðið mun þó líklega jafna sig fljótt, enda flytja fljótin mikið magn sets árlega auk þess sem sandurinn er mjög gljúpur og mun fljótt renna til á lægri svæði.

2.2. VIÐFANGSEFNI OG ÁHERSLUR

Viðfangsefni skipulagsins er að skilgreina heimildir fyrir tímabundna notkun lands til efnistöku vegna framkvæmdarinnar. Ekki er gert ráð fyrir öðrum frágangi en að allir haugar sem kunna að myndast við efnistöku verði jafnaðir. Fljótin munu svo sjá um lokafrágang.

2.3. MARKMIÐ

Gerð deiliskipulagsins er þáttur í því að hrinda í framkvæmd vegabótum á Hringvegi um Hornafjörð. Markmiðið með gerð vegarins er fyrst og fremst að auka umferðaröryggi, draga úr slysaþættu, stytta vegalengdir og tryggja góðar samgöngur á svæðinu.

2.4. FYRIRLIGGJANDI STEFNA OG AÐRAR ÁÆTLANIR

Tillagan er unnin á grundvelli gildandi Aðalskipulags Sveitarfélagsins Hornafjarðar 2012-2030. Tillagan byggir á mati á umhverfisáhrifum Hringvegar um Hornafjörð.

Fyrirhugað efnistökusvæði er á aðalskipulagi sveitarfélagsins. Ekki er í gildi deiliskipulag á svæðunum eða í næsta nágrenni þeirra sem deiliskipulagið gæti haft áhrif á. Landnotkun umhverfis efnistökusvæðið er merkt sem opið svæði og skógræktar og landgræðslusvæði á aðalskipulagi.

Ekki er um sérstæða jarðmyndanir að ræða né gróðurfar og því telst svæðið hafa mjög lágt verndargildi.

Á fyrirhuguðu framkvæmdasvæði eru engar landslagsgerðir sem njóta sérstakrar verndar skv. 37. gr. náttúruverndarlaga nr. 44/1999.

Samgönguáætlun

Framkvæmdin er á samþykktri Samgönguáætlun, framkvæmdaleyfi liggur fyrir og áætlað er að hefja framkvæmdir á þessu ári, 2017. Framvinda síðar ræðst af fjárframlögum.

3. KYNNING OG SAMRÁÐ

Samráð verður haft við Skipulagsstofnun og aðrar stofnanir sem hafa sérþekkingu á viðfangsefnum skipulagsins vegna lýsingar á skipulagsverkefni. Samráð verður haft við eftirfarandi umsagnaraðila á eða fyrir auglýsingartíma deiliskipulagsins:

- Landeigendur þeirra jarða sem framkvæmdin nær til. Samráð er í gangi.

Ef þörf reynist á að hafa samráð við aðra en áðurtalda aðila þá verður greint frá því í deiliskipulaginu.

Deiliskipulagstilagan verður kynnt í samráði við Sveitarfélagið Hornafjörð.

Deiliskipulagið verður unnið af Vegagerðinni í samráði við Sveitarfélagið Hornafjörð en framkvæmdin og efnistaka hennar vegna er háð framkvæmdaleyfi samkvæmt skipulagslögum nr. 123/2010 og það framkvæmdarleyfi liggur fyrir.

4. HELSTU TÍMASETNINGAR

	apríl	maí	júní
Gerð skipulagslýsingar			
Samráð um skipulagslýsingu			
Tillaga deiliskipulags			
Kynning og auglýsing tillögu			
Samþykkt sveitarstjórna			
Afgreiðsla Skipulagsstofnunar			

5. HEIMILDIR

1. VSÓ ráðgjöf, 2009: *Hringvegur um Hornafjörð - Matsskýrsla*, Vegagerðin Reykjavík, 265 bls.
2. Náttúruinjasráð, 2016: Heimasíða Umhverfisstofnunar www.ust.is
3. Gláma – Kím, VSÓ ráðgjöf, 2014: *Aðalskipulag Hornafjarðar 2014-2030*, greinargerðir og uppdættir, apríl 2014. Sveitarfélagið Hornafjörður.